



**Nasjonalparkstyret
for Reinheimen**

Postadresse
Postboks 987
2604 LILLEHAMMER

Besøksadresse
Norsk Fjellsenter,
Brubakken 2, 2686 Lom
Norsk Tindesenter
Havnegata 2, 6300 Åndalsnes

Kontakt
Sentralbord: +47 61 26 60 00
Direkte: +47 61 26 62 04
fminpost@statsforvalteren.no
<http://www.nasjonalparkstyret.no/reinheimen>

Fjellgeita i Skjåk v/Olav Øiberg

Saksbehandler Kristine Sørli

Vår ref. 2021/450-3 432.3

Dykkar ref.

Dato 16.03.2021

Dispensasjon - Reinheimen NP - 2021 - utplassering av Fjellgeitposter - Tverråhytta - Fjellgeita i Skjåk v/ Olav Øiberg

Nasjonalparkstyret for Reinheimen har i møtet 12.03.21, sak 18/2021, gjort slik samrøystes vedtak i saka:

«Vedtak

Med heimel i verneforskrift for Reinheimen nasjonalpark § 3, pkt. 1.3, f) og pkt. 5.2 får Fjellgeita i Skjåk IL, dispensasjon til å sette opp retningsskilt i startpunkt og i stigkryss, og ein turorienteringspost ved Tverråhytta, i Reinheimen Nasjonalpark.

Dispensasjon er gjeve med følgjande vilkår:

- Dispensasjon til oppsetting av skilt og turorienteringspost gjeld i sommarsesongen 2021.
- Skiltet skal settast opp etter 1.juli av omsyn til sårbare fuglelokaliteter i Tordalen
- Retningsskilt og turorienteringsposten skal fjernast og fraktast ut av området når fottursesongen er over.
- Etter kvar sesong og innan 31.desember, skal Fjellgeita Skjåk IL sende ein stutt rapport på e-post til Nasjonalparkstyret for Reinheimen, for å dokumentere aktiviteten og ferdsel til turorienteringsposten.
- Nasjonalparkstyret for Reinheimen kan be om at retningsskilt og turorienteringsposten vert fjerna, dersom tiltaket fører til skade for verneverdiar i området»

Klage:

Vedtaket kan klagast inn for Miljødirektoratet av partar i saka eller andre som har rettsleg klageinteresse med ein frist på 3 veker jf. forvaltningslova § 28. Ei eventuell klage skal rettast til Miljødirektoratet, men sendast til Nasjonalparkstyret for Reinheimen.

Med helsing

Kristine Sørli
nasjonalparkforvaltar

Etter våre rutinar er dette brevet godkjent og sendt utan underskrift

Vedlegg: Kopi av saksprotokoll i Nasjonalparkstyret for Reinheimen – 12.03.21, sak 18/2021.



Kopi til:
Statens naturoppsyn v/Thomas Rødstøl
Reinheimen-Breheimen villreinutval v/Knut Granum
Mari Melbø Rødstøl
Skjåk Almenning
Skjåk kommune
Statens Naturoppsyn v/Per Olav Haugen
Statsforvalteren i Innlandet



Arkivsaksnummer: 2021/450-2

Saksbehandlar: Kristine Sørle

Dato: 18.02.2021

Utval	Utvalssak	Møtedato
Nasjonalparkstyret for Reinheimen	18/2021	12.03.2021

Reinheimen NP - dispensasjon - 2021 - utplassering av Fjellgeitposter - Tverråhytta - Fjellgeita i Skjåk v/ Olav Øiberg

Saksprotokoll i Nasjonalparkstyret for Reinheimen - 12.03.2021

Samrøystes som innstillinga.

Vedtak

Med heimel i verneforskrift for Reinheimen nasjonalpark § 3, pkt. 1.3, f) og pkt. 5.2 får Fjellgeita i Skjåk IL, dispensasjon til å sette opp retningsskilt i startpunkt og i stigmåss, og ein turorienteringspost ved Tverråhytta, i Reinheimen Nasjonalpark.

Dispensasjon er gjeve med følgjande vilkår:

- Dispensasjon til oppsetting av skilt og turorienteringspost gjeld i sommarsesongen 2021.
- Skiltet skal settast opp etter 1.juli av omsyn til sårbare fuglelokaliteter i Tordalen
- Retningsskilt og turorienteringsposten skal fjernast og fraktast ut av området når fottursesongen er over.
- Etter kvar sesong og innan 31.desember, skal Fjellgeita Skjåk IL sende ein stutt rapport på e-post til Nasjonalparkstyret for Reinheimen, for å dokumentere aktiviteten og ferdsel til turorienteringsposten.
- Nasjonalparkstyret for Reinheimen kan be om at retningsskilt og turorienteringsposten vert fjerna, dersom tiltaket fører til skade for verneverdiar i området.

Dokument i saka

- Søknad frå Fjellgeita i Skjåk v/ Olav Øiberg, e-post 18.02.21



Saksopplysninger

Søknaden

Olav Øyberg søker på vegne av Fjellgeita i Skjåk IL, om å sette opp retningsskilt og ein turorienteringspost ved Tverråhytta i Reinheimen nasjonalpark. Fjellgeita er ei undergruppe i Skjåk IL, og arrangerer turorientering for alle aldersgrupper i Skjåk.

I e-post frå Olav Øyberg 30.12.2019, står følgjande:

Fjellgeita er ett turorienteringstilbud for barn, ungdom og voksne i Skjåk. Dette foregår ved at vi hvert år setter ut 10 stempelposter rundt omkring i Skjåk, og deler ut Fjellgeitfolder til alle husstander innenfor kommunen, i tillegg til at vi også legger ut skjema tilgjengelig hos biblioteket og i noen butikker. Alle som stempler på 4/6 turer (under/over skolealder) får premie. Vår visjon er å få barn, ungdom og voksne ut i naturen / til å bli glad i naturen / til å bli kjent i Skjåk.

Vi har planer om å ha en post innenfor Reinheimen nasjonalpark sesongen 2021 (mai - oktober). Denne posten vil være:

- Tverråhytta, UTM32 N6883992 Ø0437687

Selve posten består av en stempelpost og i tillegg vil det bli noen retningsskilt strategisk plassert ved startpunkt og stiskiller for å vise vei, se vedlagte bilder. Alt blir fjernet igjen når sesongen er slutt i løpet av høstferien, og vår aktivitet skal ikke lage noen permanente inngrep.

Opplegget er det samme som tidligere år. Fjellgeita har pågått siden 2004 og det er hvert år ganske mange både barn og voksne som går disse turene. For mere informasjon om vår aktivitet, se nettsiden <https://skjakil.no/fjellgeita/>, eller vår Facebookside. Håper dette er greit og at vi kan gjennomføre dette som tidligere.





Heimelsgrunnlag

Delegering

Nasjonalparkstyret for Reinheimen har delegert forvaltningsmyndigheit for Reinheimen nasjonalpark og tilhøyrande landskapsvernområde og naturreservat i medhald av naturmangfaldlova § 62 og nasjonalparkstyret sine vedtekter, sist revidert 01.03.2020.

Forvaltningsplan

I forvaltningsplanen står det følgjande om oppsetting av skilt: Forvaltningsstyresmakta kan vidare etter søknad gje løyve til merking av stigar og oppsetting av skilt i medhald av forvaltningsplanen (jf. kart nr. 2).

I forvaltningsplanen s. 42 står følgjande om organisert ferdsel: «*Organisert ferdsel og ferdselsformer som er til skade § 3, pkt 5.2, 5.3.*

All ferdsel skal skje med omsyn til landskap og naturmiljø. Med direkte heimel i verneforskrifta er det tillate med organisert turverksemd til fots når dette ikkje er til skade for naturmiljøet. Organisert ferdsel er ferdsel der person, lag, firma eller liknande planlegg, koordinerer eller arrangerer turen, og det er tale om verksemd med grupper av deltakarar, ein aktivitet som blir gjenteke eller der aktiviteten er kunngjort på førehand. Utsetting av postar for turorientering, topptrim, trimpostar og liknande innafor nasjonalparken kjem også inn under organisert ferdsel.

Naturmangfaldlova

I medhald av naturmangfaldlova § 7, skal søknaden vurderast etter prinsipp for offentleg avgjerd, jf. nml §§ 8–12 (kunnskapsgrunnlag og miljørettslege prinsipp).

Presedens

I enkeltsaker skal ein vurdere verknaden av presedens ved at andre kan få dispensasjon til liknade tiltak i verneområdet. Dette følgjer ikkje minst krav til likebehandling.

Presedensvurdering bør vera så konkret som mogleg.

Vurdering

Tiltaket dreier seg om organisert ferdsel, med merking av løypa og annonsering. Ønskje er å få folk til å gå på tur i naturen, og tiltaket er eit helsefremmande føremål. Friluftsliv er ein tilleggsverdi i nasjonalparken, nedfelt i formålsparagrafen for Reinheimen nasjonalpark, § 2: «*Ålmenta skal ha høve til natur- og landskapsoppleving gjennom utøving av naturvenleg friluftsliv med liten grad av teknisk tilrettelegging.*»

Fjellgeita i Skjåk IL har fått løyve til å sette opp retningsskilt og turpost om oppsetting og på Einstulkampen og Storhøhytta i Reinheimen nasjonalpark i 2019 og 2020. Det vart gjeve dispensasjon til oppsetting av turposten, med vilkår om å gje ein stutt rapport om ferdsel og aktivitet. Fjellgeita har rapportert om at ca. 70 personar besøkte fjellgeitposten på Einstulkampen i Reinheimen i 2019, og 13 personar til Storhøhytta i 2020.

Tilretteleggingstiltaket fører til lite ferdsel, og belastning i verneområdet. Det er likevel viktig å følgje med på utviklinga av aktiviteten.

Fjellposten skal settast opp ved Tverråhytta i Reinheimen nasjonalpark (markert i kartet under). Det er ein etablert DNT-stig frå Billingen inn Tordalen via Tverråhytta, vidare til Torsbu. Det vil naturlegvis vera aktuelt å sette opp retningsskilt frå stigstarten, og evt i

stigkryss undervegs. Turen til Tverråhytta går på etablert merka stig og er såleis kurrant å merke.



Det er god oversikt over biotopar og arts mangfald i området. Tilretteleggingstiltaket for ferdsel er i eit område der leveområde for villrein er sentralt føremål.

Turstigen gjennom Tordalen går i eit område med ein sårbar rovfugllokalitet.

(Høitomt, G. & J. Opheim 2018. *REINHEIMEN NASJONALPARK (med tilliggende verneområder) - Sårbarhetsvurdering rovfugl/våtmarksfugl 2017. Kistefoss Skogtjenester, Rapport nr. 6 2018.*) Lokaliteten er spesielt sårbar i perioden 01. februar til 15. juli. Traseen gjennom Tordalen er konfliktfylt, og det er særleg skiutfart knytt til påska som er uheldig, og som kan vera orsak til at rovfugllokaliteten er mindre brukt. Av omsyn til sårbare fuglelokalitetar i området er det viktig at ein ventar med å sette opp fjellgeitposten til juli. Kunnskapsgrunnlaget (§ 8) er godt dokumentert gjennom artsdatabasar og rapportar. Det er god oversikt over kva som kan påverke landskap, økosystem, naturtypar og artar. Dersom ein observerer rovfugl eller andre sårbare viltartar, er det viktig å halde god avstand for å unngå unødige forstyring.

Kunnskapsgrunnlaget er godt, jf. nml § 8, og det er ikkje naudsynt å ta i bruk «føre-var-prinsippet» § 9 i nml.

Den totale belastninga av ferdselen i området i samband med turorienteringspostane til Fjellgeita i Skjåk er små. Det er aksept for tilrettelegging med midlertidig oppsetting av skilt i barmarksesongen, til i Reinheimen nasjonalpark. Vilkår kan avbøte på eventuelle ulemper for verneverdiane, og krav om rapportering gir høve til å følgje med på utvikling av ferdselen.